

**ԹԵՍՏԻ ԿԱՌՈՒՑՎԱԾՔԸ ԵՎ ԱՌԱՋԱԴՐԱՆՔՆԵՐԻ  
ԳՆԱՀԱՏՄԱՆ ՉԱՓԱՆԻՇՆԵՐԸ**

Թեստը պարունակում է 10 առաջադրանք, որոնցից 3-ը ենթաառաջադրանքներով են: Յուրաքանչյուր առաջադրանքի և ենթաառաջադրանքի ճիշտ պատասխանը գնահատվում է 1-ական միավորով:

Թեստը բաղկացած է 2 մասից:

**1-ին մասը** պարունակում է որևէ տեքստ՝ գեղարվեստական կամ գիտահանրամատչելի: Տեքստերի ծավալները կախված են դրանց տեսակից. գեղարվեստական բովանդակությամբ տեքստերը պարունակում են շուրջ 350 բառ, գիտահանրամատչելիները՝ ավելի պակաս՝ շուրջ 250 բառ<sup>1</sup>:

1-ին մասի առաջադրանքներից 5-ը վերաբերում են տեքստի բովանդակությանը (դրանցից 2-ը 2-ական ենթաառաջադրանքներով են. ընդհանուր հաշվով՝ 7 հարց՝ տեքստի բովանդակության վերաբերյալ): Այդ հարցերով ստուգվում են ընթերցանության զանազան ունակություններ՝ ուշադրություն, հետևություններ ու եզրակացություններ անելու կարողություն, տեքստը վերլուծելու, գնահատելու և արժևորելու հմտություններ:

**2-րդ մասը** պարունակում է տեքստից անկախ<sup>2</sup> 5 առաջադրանք, որոնցով ստուգվում են՝

1. 6-րդ առաջադրանքի ուղղագրական դժվարություն ունեցող բառերում (4 բառ) բաց թողած տառի տեղադրում. յուրաքանչյուր ճիշտ գրված բառի համար տրվում է 1-ական միավոր,
2. բառի իմաստի իմացություն, հոմանիշների և հակահիշների ճանաչում, բառի փոխաբերական իմաստով գործածություն, դարձվածքների ճանաչում,
3. բառի կազմության ճանաչում՝ պարզ, բարդ (հողակապով, անհողակապ), ածանցավոր (նախա-ծանցավոր, վերջածանցավոր), բարդածանցավոր,
4. գոյականի, դրա թվի և տեսակների՝ հատուկ, հասարակ, ածականի, թվականի, շաղկապի ճանաչում,
5. նախադասության անդամների ճանաչում՝ ենթակա, ստորոգյալ, կոչական, լրացումներին տրվող հարցերի իմացություն,

Թեստի առավելագույն միավորն է 15-ը: Թեստի կատարմանը հատկացվում է 60 րոպե:

<b>ԳՆԱՀԱՏՄԱՆ ՄԱՆԴՂԱԿԸ</b>			
Միավորը	Գնահատականը	Միավորը	Գնահատականը
0-1	1	8-9	6
2	2	10-11	7
3	3	12-13	8
4-5	4	14	9
6-7	5	15	10

<sup>1</sup> Ըստ հնարավորին տեքստերը կարող են կազմվել ավելի պակաս բառաքանակներով (գեղարվեստականը՝ ոչ պակաս քան 250, գիտահանրամատչելին՝ ոչ պակաս քան 180):

<sup>2</sup> Որոշ դեպքերում 2-րդ մասի առաջադրանքները, ըստ նպատակահարմարության, կարող են առնչվել տեքստին: